


մեծութեամբ, բուն խորաններից չափուած, Տբ-ի լինեալի մէջ «Կանոն Ա. յորս ըստ նոսրին ածան չորեքին. ածան Մաթէոս, Մարկոս, Ղուկաս, Յովհաննէս», իսկ Գա. «Կանոն Բ. յորս երեքն Մաթէոս, Մարկոս, Ղուկաս» գրուած: Առաջին խորանը հաստատուած է երեք սեան վրայ, խարիսխների տակ մի գերանաձեւ՝ զարդարուած երկարաձիգ օղակների շղթայով. խարիսխի յատակն աւելի լայն է, տափակ եւ իրար վերայ դրուած պլիտաներով, ներքեւից վեր հետզհետէ նեղանալով. վերջին օղակաձեւ պլիտայի վերայ բարձրանում է սեան

մից բարակ եւ հանգուցաւոր գծով, իսկ միջին տարածութիւնը ծածկուած է զոյգ պարանների հիւսուածքով, պտոյտների մէջ մի մի կարմիր գնդակով: Մէջ տեղի սեան գլխին լինեալն է երեքքառորդական կամարի տակ. կամարի ճակատը զարդարուած եռատերեւի եւ հնգատերեւի իրար յաջորդող շարքով:

Բուն խորանը քառանկիւնի է, որի ներքեւի շրջանակը սիւների վերայ ընկած գերանն է, իսկ երեք կողքերից կապոյտ ֆոնի վերայ արմաւենիկի եռաճիւղերով զարդեր: Քառանկիւնու անկիւններում



(պատկեր 1)

բունը, ոչ բոլորակ, այլ տափակ երեսով, ուրեմն քառանկիւնի, միջին մասում հիւսկէն զարդով: Ուոյակի յատակը դարձեալ տափակ է, իսկ բուն զարդը իրար կպած երկու նշատերեւ, ծայրերը հակառակ ուղղութեամբ, որոնց վերայ դրուած է երկրորդ պլիտան իբրեւ հիմք սիւների վերայ ձգուած գերանի: Միջին սեան բուն խոյակը գնդակաձեւ է, երկու պլիտայի մէջ, իսկ խարիսխն էլ իւր վերին մասում օղակով չէ փակուած, այլ բունը խրուած է պարզ եւ տափակ պլիտայի մէջ: Սիւների գլխին ձգուած է գերանը, եզերուած երկու կող-

ներսից՝ մի մի վէյերաձեւ զարդ կայ, մէկն էլ ճակատում, որտեղից երկու ճառագայթաշերտեր ուղղուած են դէպի ներքեւի անկիւնները, եզերուած կապոյտ գծերով, իսկ նրանց միջին տարածութիւնը ոսկի ֆոնի վերայ պարանահիւսի ոլորապտոյտով զարդարուած: Նման մի մի ճառագայթ էլ վերեւի անկիւններից ուղղուած են դէպի լիւնեալ: Ճակատի զարդը քառանկիւնից դուրս մի հնգատերեւ է, երեք կարմիր գնդակներով, առնուած բոլորակի մէջ, իսկ շուրջը արմաւենիկի կանաչ տերեւներով զարդարուած: Վերին անկիւնների զարդերն էլ,